

Zf  
7470









QK. 329. 29.

v. Zetzsch

Z f  
7470

Christliche Reichpredigt

**W**ey der Be-  
gräbnis des Edlen Ehrn-  
uesten vnd Wolbenambten  
Herrn/Friedrichen Zischwises von vnd  
zu Gäbersdorff/ welcher den 7. Martij  
des 1597. Jares seliglich verschieden/  
vnd folgendes den 21. Martij daselbst  
Christlich vnd ehrlich zur Er-  
den bestattet wor-

den /  
Gethan durch

**Georgium Zetschnern**  
Predigern des heiligen Euange-  
lij in der Pfarrkirchen der  
Stadt Bloß.

Gedruckt zu Franckfurt an der  
Oder/ bey Andreas Eichorn/  
Anno 1597.

UNIVERSITÄT  
HALLE  
(BAALE)  
BIBLIOTHEK

BIBLIOTHECA  
PONICKAVIANA



2122

2122

[Faint, illegible text, likely bleed-through from the reverse side of the page. The text is arranged in several lines and is difficult to decipher due to fading and the texture of the paper.]

[Faint, illegible text at the bottom of the page, possibly a signature or a date.]





**Der Edlen Ehr vnd  
Zugendreichen Frawen Judith / ge-  
borne Haugwitzin / des Edlen Ehrnuesten vnd  
Wolbenambten Herrn / Friedrich Bischwizes seligen  
hinderlassenen Wittib / meiner günsti-  
gen Frawen.**

Gottes gnade / Friede / vnd bestendigen Witt-  
wentrost / sampt meinem eibsigem  
Gebet zuuor.

**D**ie / Ehr vnd Zugendtrei-  
che Fraw / der Apostel S. Pau-  
lus giebet zwar zum Röm. am 12.  
allen Christenleuten Maß vnd  
Ordnung / wie sie sich gegen iren  
Neben Christen in lieb vnd leid / in glück vnd Un-  
glück verhalten sollen / vnd spricht: Freuet euch  
mit den frölichen / vnd weinet mit den weinen-  
den. Vnd in der 1. Cor. 12. lehret er solches auch  
durch ein feines Gleichniß von den Gliedmas-  
sen des Menschlichen Leibes / vnd spricht: So  
ein Glied leidet / so leiden alle Glieder mit / vnd so  
ein Glied wird herrlich gehalten / so freuen sich  
alle Glieder mit. Ihr seid aber der Leib Christi /  
vnd Glieder / ein jeglicher nach seinem theil.

A ij                      Drumb



Darumb sollet ihr auch/wil er sagen/ein mitlei-  
den miteinander haben / vnd euch miteinander  
frewen. Vnd S. Petrus 1. Pet. 3. stimmet hie-  
mit auch oberein / vnd spricht: Seid mitleidig/  
Brüderlich / barmherzig / Freundlich. Aber es  
wil zu dieser zeit nicht allein fast Niemand / auch  
vnter denen / die sich die besten Christen sein dün-  
cken / dieser Apostolischen Lehre vnd vermanung  
folgen / sondern es vben auch ihr viel stracks das  
widerspiel / vnd gehets jemand wol / so ist es ihnen  
leid / weinet aber jemand / so lachen vnd spotten  
sie: Wie sie denn auch sonst so gar verkehret  
sind / das sie das / was auff's aller beste geredet  
vnd gemeinet wird / zum aller ergsten deuten.

Dieses / wie es alle Gottselige Christen  
in allerley Fellen täglich spüren / vnd erfahren  
müssen / oft mit grossem Verzeleid / Also hat  
sichs auch vber dem Tödtlichen abgange vnd  
Begräbnis des Edlen Ehrnuesten vnd wol-  
benambten Herrn Friedrichen Zischwizes / der  
Frauen geliebten Herrn seligen / in der that /  
befunden vnd außgetwefen: Da denn etliche  
vber dem / was wolgedachtem ewrem lieben  
Herrn mit grund der Warheit zu rühmlichem  
gedechtnis / vnd der Frauen / als einer betrüb-  
ten Wit.



ten Wittwen zu Trost / in der Leichpredigt ges  
meldet worden / darüber sie sich neben der Fra  
wen billich hetten freuen sollen / sich entrüstet /  
die Leiche vnchristlicher weise verdammet / vnd  
die Predigt verspottet / vnd gelestert / vnd also  
der Frauen ihr leid vnd betrübniß vermehret /  
welches sie doch durch ein Christliches mitlei  
den vnd tröstliches zusprechen billich zu senff  
tigen vnd zu lindern sich hetten befließigen so  
len.

Ob nun dis Christenleuten gebührt / wer  
den sie sich aus ob angezogenen Sprüchen zue  
sehen vnd zubespiegeln haben.

Uns aber stehet wol an solches mit gedult  
vnd sanftmut zutragen / vnd Gotte dem Geo  
rechten Richter heim zustellen vnd zubefehlen.

Damit aber gleichwol die jenigen / so obge  
melter Begrebniß vnd Leichpredigt nicht bey  
gewohnet / vnd vngleichen bericht hievon ober  
kommen / eygentlich wissen mögen / was sie dis  
fals glauben / oder nicht glauben sollen / vnd da  
von desto besser vrthellen können : So habe ich  
dieselbe / wie schlecht vnd einfeltig sie auch ist /  
durch den Druck zu Publiciren leichtlich bewill  
iget /

A. iii

liget /



† mich in ihr  
gebet

liger / die ich denn der Frauen hienit freundli-  
chen dedicirt haben wil / mit fleißiger bitt / die  
Frau wolle ihr dieselbe umb ihres lieben Herrn  
willen lieb vnd angeneh / vnd befohlen sein las-  
sen / darzu ich mich auch hinwiderumb gegen  
der Frauen erbieten vnd dieselbe in Göttlichen  
schutz empfehlen thue. Geben in Glog/den 15.  
Aprilis Anno 1597.

Der Frauen

Williger

Georg Zeutschner Prediger  
dasselbst.

Kompt



Matth. 11.

Kompt her zu mir alle die ihr müheselig vnd beladen seid/ Ich wil euch erquicken/ Nemet auff euch mein Joch/vnd lernet von mir/denn ich bin sanfftmütig/vnd von herzen demütig /so werdet ir ruhe finden für ewre Seele/ Denn mein Joch ist sanfft/ vnd meine Last ist leicht.

**G**eliebte im HERRN/ Die Reich Cere- monien vnd Begängnisse werden bey vns Christen angestellet vnd gehalten/nicht für- nemlich vmb der verstorbenen/ sondern aller- meist vmb der lebendigen willen. Denn ob wir wol mit vnsern zusammenkunfften bey den Begräb- nissen vnser Christliche liebe an den verstorbenen vben vnd beweisen: So dörffte man doch ihrenthalben weder sin- gen noch predigen/ Alldieweil sie solches nicht hören/ auch keinen Nutz dauon / viel weniger aber von Vigilien vnd Seelmessen/welche darzu noch Abgöttisch sind/haben vnd bekommen können.

Die lebendigen aber bedürffens/ auff das sie bey den Begräbnissen des gemeinen elenden vnd müheseligen zus- tandes aller Menschen hie auff Erden erinnert/ vnd dars- gegen aus Gottes Worte getröstet / vnd nach den Exem- peln der verstorbenen/die da Gottselig gelebet/ vnd Christ- lich gestorben/auch zur Gottseligkeit vnd Christlichen Zus- genden erwecket vnd auff gemuntert werden mögen.

Diueil wir denn jetzt zur Begräbnus des Edlen. Ehrnuesten vnd wolbenambten Herrn Friedrich Zischwie- kes ses



des seligen Leiche/ nach Christlichem Brauch / zusammen  
kommen/ so wollen wir erstlich das abgelesene Sprüchlein  
einfeltig betrachten/ vnd nachmals auch dieser seligen A-  
delichen Leiche kürzlich gedencken.

Gott verleihe vns hierzu seine Genade vnd Geist/  
Amen.

## Vom Ersten.

**W**elangend nun Erstlich das erwähnte  
Sprüchlein/ ist dasselbe/ wie kurz es auch von worts  
ten ist/ der fürnehmsten Trostsprüche einer/ den wir  
vor ein Jewres köstlich Kleinot halten/ vnd in vnser Herzs  
kästlein fleißig auffheben/ einschliessen/ vnd bewaren sollen/  
auff das wir ihn zur bösen zeit herfür zunehmen/ vnd zu vn-  
serm besten zu gebrauchen haben.

Auff das aber diß Sprüchlein desto besser von vns  
verstanden/ vnd behalten werde/ wollen wir 1. den anse-  
hen/ der da hie redet vnd ruffet. 2. hören/ wem er ruffe.  
3. Was Er denen so er ruffet verheische. Vnd endlich  
4. Was er von denselben haben wolle.

## I. Wer ruffet?

**W**AS das erste belanget/ redet vnd ruffet  
dallhie der ewige Sohn Gottes / der vmb vnser  
willen ein Mensch worden / vnd kurz vor diesem  
Sprüchlein saget : Alle ding sind mir vbergeben von  
meinem Vater. Inn welchen Worten Er / als in einer  
Summa/ alles begreiffet / was vns zu ihm zukommen be-  
wegen kan : Dieweil er vns nemlich könne vnd wolle helf-  
fen. Denn was kan dem vnmüglich sein / dem alle ding  
vnter



vnterworffen sind/ Oder/ dem alle Gewalt im Himmel vnd  
auff Erden gegeben ist: Vnd den der Himlische Vater  
(wie die Propheten vnd Aposteln lehren) darzu verordnet  
hat/ das er der Helffer vnd Erlöser des Menschlichen Ge-  
schlechtes sein sol: Denn von ihm lauten Trawen die al-  
ten verheischungen / das er nemlich der Schlangen den  
Kopff zutretten/ vnd die so vnter dem Fluch waren/ segnen  
vnd benedeyen solle. Von ihm lest sich Gott der Vater  
vom Himmel herab vornehmen / das er sein lieber Sohn  
sey/der auch vns ihm lieb vnd angenehm mache. Darumb  
ists vnmöglich/das Gott der Vater nicht alles solte krafft  
haben lassen/was er vnser halben beschleust vnd fürnimpt.

Das er aber auch vns helfen wolle/ bezeuget diese sei-  
ne Freundliche Holdselige stimme / vnd viel andere seine  
Sprüche/darinnen er vns/die wir an ihn glauben/das ewi-  
ge Leben verheischet zu geben. Vber diß bezeugens auch  
viel Exempel derer/die seiner hülffe genossen haben. Sind  
derhalben die in ewigkeit nicht zu entschuldigen / was sie  
auch immermehr fürwenden/die da von ihm geruffen wer-  
den/ vnd doch nicht kommen wollen. Denn halten sie ihn  
vor hart vnd vnfreundlich / vnd lauffen derhalben zu an-  
dern Helffern/so thun sie ime gros vnrecht/ vnd sind gleich  
den Jüden/welche/wie Jeremiac am 2. geschrieben sihet/  
die lebendige Quelle verliessen/ vnd machten ihnen hie vnd  
da außgehawene Brunnen/die doch löchericht waren/ vnd  
kein Wasser gaben. Lassen sie ihnen aber zeitlich Gut lie-  
ber sein als Christum/ so geben sie hiemit ihre vnchristliche  
Herken an Tag / vnd gehören vnter die jenigen/ die zur  
Hochzeit geladen/nicht kommen wolten/dieweil sie Ochsen  
vnd Ecker gekaufft/vnd Weiber genommen/welchen der  
Herr schrecklich dreyet/ Lucae am 14. Cap.

B

Zum



## II. Wem ruffet er?

**D**um andern/ Wem ruffet er aber? Kompt  
Her zu mir/ spricht er/ alle die ihr müheselig vnd be-  
laden seid. Es ist zwar ein allgemeiner beruff/  
wie denn vberal dergleichen im Euangelio gefunden wer-  
den: Aber doch wird er restringirt, vnd in sonderheit ge-  
zogen auff die/ so müheselig vnd beladen sind. Wer nu a-  
ber die sein/ das lasset euch berichten.

Es sind zwar alle Menschen müheselig vnd beladen/  
beydes mit Sünden/ vnd auch mit Sünden straffen. Mit  
Sünden zwar: Denn es stehet geschrieben/ Genes. 8 das  
Lichten des Menschlichen Herzens ist böse von Jugend  
auff. Im 14. Psalm: Der Herr schawet vom Himmel  
auff der Menschen Kinder/ das er sehe ob jemand klug sey/  
vnd nach G. 1. frage/ Aber sie sind alle abgewichen/ vnd  
allesamt vntüchtig/ da ist keiner der gutes thue/ auch nicht  
einer. Proverb am 20. Wer kan sagen / ich bin rein in  
meinem Herzen/ vnd lauter von meinen Sünden?

Röm 3. Sie sind all zumahl Sünder/ vnd mangeln  
des ruhmes/ den sie an Gott haben solten. 1 Johan. 1. So  
wir sagen/ wir haben keine Sünde/ so verführen wir vns  
selbst / vnd die Wahrheit ist nicht in vns.

Was aber die Sündenstraffen belanget / damit alle  
Menschen beladen vnd deshalb müheselig sein / finden  
wir Zeugnisse hin vnd wider. Als:

Hiob spricht am 14 Capitel seines Buches: Der  
Mensch vom Weibe gebohren / lebet kurze zeit / vnd ist voll  
vnruhe / Gehet auff wie eine Blum / vnd felle ab / fleucht  
wie ein Schatten / vnd bleibet nicht.

Vnd am 7. Cap. vergleicht er des Menschen Leben  
einem Streite / weil man sich darinne stets mit Sünden/  
vnd



vnd allerley Vnglück als der Sünden straffen / schlagen  
vnd plagen muß / nicht anders / als ein Kriegsmann in der  
Schlacht mit seinen Feinden.

Also David im 90. Psalm singet auch ein jammer-  
liedlein mit Mose von des Menschlichen Lebens mühesch-  
tigkeit / vnd spricht: Unser Leben wehret 70. Jahr / wenns  
hoch kömpt / so finds 80. Jahr / vnd wenns köstlich gewest  
ist / so ist's mühe vnd Arbeit gewest. Vnd der Achte Psal.  
nennet den Menschen Enosch das ist / das liebe elend selbst.

Jacob der Patriarch w. rd gefragt ( Genesis 47. )  
vom Könige Pharao / wie alt er sey / da spricht er: Die zeit  
meiner Wallfarth ist hundert vnd dreißig Jar / wenig vnd  
böse ist die zeit meines lebens.

Syrach am 40. spricht: Es ist ein elend jämmerlich  
ding vmb aller Menschen Leben / von Mutterleibe an bis  
sie in die Erde begraben werden / die vnser aller Mutter ist.  
Da ist immer Sorge / Furcht / Hoffnung / vnd zu letzt der  
Tode / so wol bey dem / der in hohen ehren sitzt / als bey dem  
geringsten auff Erden / so wol bey dem / der Seyden vnd  
Kron treget / als bey dem / der einen groben Kittel an hat.

Solche vnd dergleichen klage reden / von der mühesch-  
tigkeit Menschliches Lebens / werden auch bey den Heyden  
gefunden / die auch darüber gar jämmerlich lamentirt ha-  
ben.

Bei dem Herodot. disputirt der Reiche Cræsus mit  
dem weisen Solone vom zustande Menschliches lebens /  
vnd beschleust endlich der weise Solon die Disputation mit  
dieser klage: Homo est omnis calamitas. Das ist / der  
Mensch ist anders nichts denn eytel elend.

Vnd der Heydnische Poet Euripides stimmt mit ein  
vnd spricht: Hæc vita non est vita, sed calamitas. Dis  
Leben ist kein Leben / sondern ist nur jammer vnd elend.

B ij

Vnd



Vnnd der Eltest vnd fürnembste vnter den Heydnischen Poeten Homerus saget / das die Erde kein elender Thier trage vnd nehre als denn Menschen.

So redet der Heyde Plinius vom Menschen fast wie David im 8. Psalm vnnd spricht: Cum hominem dixeris, omnes miseras dixeris. Wenn du einen Menschen nennest / so hastu alles elend mit einem Worte genennet vnd außgesprochen.

Von einem Könige in Indien liesse man / das er einem Philosopho befohlen / er solte jm in Monats frist auff vier fragen bescheid vnd antwort geben. 1. Was der Mensch were. 2. Wem er zuuergleichen. 3. Was sein Handel vnd Wandel were. Vnnd 4. Was er für Geselschafft allhie auff Erden hette. Der Philosophus nach verflössener bedenkzeit giebet dem Könige auff sein begeren diese Antwort. Auff die erste frage / was der Mensch sey / spricht er: Er sey ein frembdling vnnd Wandersmann auff dieser Welt / der immer zum Tode zu wandere / vnd von Tage zu Tage demselben neher komme.

Auff die ander frage / wem der Mensch zuuergleichen / thut er diesen bericht: Er were einem gefrorenen Eys gleich. Denn wie dasselbe von der Sonnen Hitz vnnd Regen bey mehlichen verzehret vnd zu Wasser gemacht würde: Also neme der Mensch von Tage zu Tage auch ab / bis er gar zu Staub vnd Asche werde. Oder were gleich einem Law auff grünem Grase / den die Sonne ablecket vnd verzehret / das man nicht wisse / wo er blieden sey. Oder were zuuor / gleichen einer schönen Baumesblüet / die mit dem Reyffe troffen wird / vnnd fellet dahin / das sie zu keiner Frucht kömpt.

Auff die dritte frage / was des Menschen Handel vnd Wandel auff dieser Welt sey / sagt er / das er stets Kriegen / vnnd



vnd ohn vnterlas zu Felde liegen müsse/ wie auch Hiob redet am 7. Capitel.

Auff die vierde vnd letzte frage/was des Menschen stetige Gesellen vnd Gefertten weren/gab er zur antwort: es weren Hunger / Kummer / Frost / Hitze / Durst / Mühe / Sorge / Traurigkeit / Herzeleid / Summa/ allerley Noth vnd endlich der Todt.

Secht solche Encomia hat das Menschliche Leben auch bey den Heyden.

Vnd das dem also/bedarff nicht mehr beweisens. Es frage nur ein jeglicher sein eigen Herz vnd Leben/so wird er bey jm selber einen richtigen Commentarium vnd außlegung dieser sachen finden / sonderlich in diesen letzten Zeiten/da allerley Sünden/vnd demnach auch allerley Sündenstraffen wie eine Sündflut mit gewalt einreissen / das einem/der es ein wenig zu Gemüt führet/ zu leben fast bangig ist / wiewol viel Leute in sicherheit vnd Bollust dermassen Truncken vnd ersoffen sind / das sie von keiner Noth wissen wollen.

Ob nu wol / wie gehört / alle Menschen / ohn vnterscheid / müheselig vnd beladen sind: So redet doch aber Christus allhie allein von denen/die sich müheselig vnd beladen befinden / das ist / die da aus dem Göttlichen Gesetz erkennen/das sie Sündig vnd schuldig für Gott / vnd mit ihren Sünden Gottes Zorn/vnd endlich zeitliche vnd ewige straffe verdienen haben/vnd fühlen/welch eine schwere Last es vmb die Sünde/vnd vmb den Zorn Gottes sey/wie David im 38. Psal. Vnd deswegen in ihren Gewissen geengstet vnd bekümmert sind / vnd gerne ruhe vnd Friede ihrer Seelen haben wolten. Denn Gott sihet an den elenden/vnd der zubrochenes Geistes ist/vnd der sich fürchtet für seinem Worte / wie im Propheten Esaia am 66. Cap. geschrie.



geschrieben stehet. Vnd im 51. Psa. wird auch von jm gerühmet/das er ein zerschlagenes vnd zerknirshtes Herz nicht verachte. Darumb solche ruffet hie der HErr zu sich/vnd zwar alle. Sollen sich derhalben solche Leute strack zu Christo halten/vnd je grösser die Anfechtungen sein/je gewisser sollen sie schliessen/das sie in die Zahl deren gehören/die Christus zu sich ruffet.

Die sichern rohen Weltkinder aber / die ihre mühseligkeit vnd elend nicht bedencken / sondern stets in vollen sprüngen / wie auff Rosen einhergehen. Item / die Epicurer vnd Spötter / die alle Religionen verachten / vnd nicht glauben / das ein G Dtt / eine Auferstehung der Todten / vnd ein ewiges Leben sey. Desgleichen auch die stolzen / aufgeblasenen Werckheiligen / gehet dieses ruffen des HErrn Christi nichts an / so lange sie solche bleiben.

### III. Was verheisset er ?

**W**as verheisset denn aber Christus den mühseligen vnd beladenen : Das er sie wolle erquickten : Oder / wie er bald darnach saget / das er ihnen wolle ruhe schaffen für ihre Seelen. Denn das bedürffen die mühseligen vnd beladenen.

Die leiblichen Erzte können bisweilen zwar durch ordentliche Mittel den Leib erquickten / vnd demselben ruhe schaffen / doch nicht ohne Gottes seggen : Aber eine mühselige vnd vnrühige Seele erquickten vnd ruhig machen / vermag kein Leiblicher Arzte / weder durch Kraut noch durch Pflaster : Ja es kans weder Moses noch Elias / weder Petrus noch Paulus / auch die Jungfraw Maria selbst nicht. Es hat sich auch deren keiner dessen jemals gerühmet

Christi



Christus kans allein/ vnnnd hats in der that bewiesen.  
Wie er denn solche erquickung / ruhe vnnnd Friede des Ges  
w. ssens hat widerfahren lassen der Sünderin/ Lucae 7. Zas  
chaeo vnd andern Zöllnern: Den Aposteln / welche da sie  
mit Ruten gesteuert vnnnd geschlagen wurden/ omb Christi  
willen/ frölich darvon giengen/ Actor. 5. Vnnnd vnzählich  
vielen Martyrern.

Vnd das ist der Friede Gottes/ welcher höher ist denn  
alle Vernunft/ davon S. Paulus Rom. 5. Ephes. 2. vnd  
Philip 4. redet.

Vmb solcher erquickung vnd Seelen ruhe willen has  
ben die Menschen mancherley Mittel erdacht vnnnd vers  
ucht/ als Rappen/ Platten/ Messen/ Wallfarten/ vnd der  
gleichen: Aber es könnens des Gesetzes Werke nicht thun/  
Ich geschweige denn solche von Menschen ertichtete Lose  
Geuckelen vnd Phantasien.

Man höret bisweilen von Leuten / das sie vber die  
mancherley Religionen/ so in der Welt sein/ klagen/ vnnnd  
sagen / sie wissen nicht / was sie in solcher vngleichheit der  
meinung glauben/ vnnnd zu welchem theil sie sich halten sol  
len. Aber was bedarffs solcher klage: Wer nicht irren  
wil/ der halte es mit denen / die allein in Christo Friede/  
Frewde/ Leben vnd seligkeit suchen heissen.

### III. Was fodert er?

**W**IE muß man ihm aber thun / das man  
von Christo das/ so er verheisset/ erlange:  
Höret meine lieben.

Erstlich muß man zu ihm kommen. Kommet her zu  
mir/ spricht er. Wie kommet man aber zu ihm/ möcht je  
mand fragen:

Seiblis



Leiblicher weise können wir zwar jeko nicht zu ihm kommen. Sondern wir sollen vnd müssen mit dem Herzen vnd mit der Seelen zu ihm kommen/das wir mit dem lieben David sagen können: Wie der Hirsch schreyet nach frischem Wasser/Also schreyet meine Seele zu dir O Herr Iesu Christe.

Hierzu aber ist von nöhten der Glaube/wie Christus selber lehret/ Johan. 7. Denn da er selbst spricht: Wen da dürstet/ der komme zu mir/ vnd trincke: So erkläret er diese Rede bald darauff/vnd spricht ferner: Wer an mich gleubet/wie die Schrifft saget/von des Leibe werden Ströme des Lebendigen Wassers fließen. Was er zuvor genennet hat/ zu ihm kommen vnd trincken / das nennet er hernach/ an ihu gleuben.

Auff das wir nu derwegen zu Christo kommen/ müssen wir gleuben/ das er der sey / wie die Schrifft von ihm zeuget / die wir derwegen mit fleiß lesen / hören/ bewahren/ vben / vnd darnach thun vnd leben sollen vnd müssen. Doch muß es nicht nur ein Historischer Glaube sein / welchen auch die Teuffel haben: Sondern es muß ein gewies vertragen vnd zuversicht sein / das wir nicht zweiffeln/ Christus habe vmb vnsern willen gethan vnd gelitten/ was er gethan vnd gelitten hat/vnd sey derwegen vnser Heyland/vnser Helfer vnd Arzt/vnser Weisheit/Gerechtigkeith/Erlösung vnd Heyligung/vnser Liecht/Weg/vnd Thür/ vnd vnser Himmelbrod vnd aqua vitae, damit wir im Worte vnd den heiligen Sacramenten zum ewigen Leben gesetziget vnd genehret werden.

Die also an ihu gleuben / die kommen nicht allein zu ihm/ sondern vberkommen auch von ihm / was er verheisset/ vnd geniessen dessen/ hie zwar im Glauben/dort aber der mahl eines im schawen.

Ehe



Ehe denn wir aber zum schawen komen/vnd in der that  
selig werden / so müssen wir auch zum andern sein Joch  
tragen/das ist/allerley Creuz vnd Noth/vnnd darzu dem  
bittern Tode vnterworffen sein/vnd darunter Sanfftmue  
vnd Gedult nach seiner Lehr vnd Exempel beweisen: Sin-  
temal es doch gar ein sanfftes Joch vnd leichte Last ist/die-  
weil es nur Zeitlich ist / vnd er es vns auch noch darzu selbst  
hilfft tragen.

So schicket euch nu derhalben also zur sache/alle die jr  
müheselig vnd beladen seid/vnd erquickung vnd rechte See-  
len ruhe begeret. Bittet aber / das euch Gott ewre mühe-  
seligkeit vnnd schwere Last der Sünden wolle zuerkennen  
geben/vnd euch Füße zu Christo machen/das ist/Glauben  
vnd Gedult verleihen/vnd darinne bestendiglich erhalten/  
vnd durch Noth vnnd Tode euch hindurch helffen zum ewi-  
gen Leben.

Vnd das sey nu in der fürke genug gesagt von vnserm  
Sprüchlein.

## Vom Andern.

**W**SA nu den Edlen Ehrnuesten vnd wol-  
benambten Herrn Friedrich Zischwizen seligen/  
dessen Leiche wir hie zugegen haben / vnd zwar sei-  
nen Glauben/sein Leben vnnd Wandel/vnnd endlich auch  
seinen Abschied aus dieser Welt/anreichet/ Ist diß gewieß/  
das er in seiner Kindheit nach Christi Ordnung im Na-  
men der heiligen Dreyfaltigkeit getaufft / vnnd also dem  
Herrn Christo zugetragen/vnnd der Christlichen Kir-  
chen einuerleibet worden. Vnd wie er da durch seine Pas-  
ten dem Teuffel vnnd allen seinem Wesen vnnd Wercken  
entsaget/ vnd hergegen G<sup>e</sup>otte der heiligen Dreyfaltigkeit  
gehul-



gehuldet vnd geschworen: Also hat er sich hernach/als er zu  
seinem Verstande kommen/vomb Gottes vnsers HERRN  
Wesen vnd willen mit ernst vnd fleiß bekümmert/ die heiligi  
ge Schrift/in der Bibel verfasset/ viel andere Bücher/ de-  
ren er denn eine gute Anzahl verlassen / fleißig gelesen.  
Daher er sehr erfahren in der Schrift gewest/vnd dermassen  
bescheid daraus zu geben wissen / das man sich darüber  
verwundern müssen. Ich zwar/der ich ohn gefehr vor einem  
Jahre mit ihm bekand worden/ habe in solcher zeit viel mit  
ihm von Religions sachen conferirt, vnd hette warlich sol-  
che Erfahrung in der Schrift bey ihm nicht gesucht ge-  
habt/die ich gefunden/ zumahl weil er mir als ein Veräch-  
ter des Wortes Gottes vnd der hochwürdigen Sacramen-  
ten war eingebildet worden. Hat sich aber gegen mir der-  
massen erkläret vnd außgeföhret/das ich ihn dafür hernach  
nicht habe halten können.

Sein Leben ist sonsten/wie Männiglich weis/Gott-  
selig/züchtig/Erbar vnnnd ernst gewest: Hat eine gestrenge  
Hauszucht/ vnnnd gute Ordnung allenthalben gehalten:  
Vnnnd hat ihm Warheit vnd Gerechtigkeit sehr geliebet  
lassen: Unwarheit vnnnd Ungerechtigkeit aber hat er an  
seinem Gesinde vnd Vnterthanen mit ernst gestrafft / wie  
auch alles ander Gottloses wesen/vnnnd solches auch seiner  
lieben Hausfrauen zustraffen/vnd hergegen den frommen  
vnd Armen gutes zuthun/auff seinem Todtbette befohlen/  
vnd hinder sich zu guter lezte gelassen.

Das heilige Abendmahl des HERRN hat er ja eine  
zeitlang daher nicht gebraucht / welches ich denn an seinen  
ohrt sehe.

Aber dessen hat er sich enthalten/nicht das er einer an-  
dern



dem meinung von der Substantz vnd Nutz desselben in sei-  
nem rechten gebrauch/ als die Augspurgische Confession bes-  
saget / gewesen were: Denn ich es mit warheit sagen kan/  
das er meinen bericht / den ich ihme newlicher zeit in seiner  
Behausung/ der Augspurgischen Confession gemess hievon  
gethan/ mit seuffzen vnd Ehrenen beliebet/ angenommen/  
vnd ihme wolgefallen lassen/ welches ich mit etlichen chris-  
chen vom Adel/ wenn es die Noth erforderte/ bezeugen vnd  
dARTHUN köndte: Sondern aus einer schwachheit / weil er  
nemlich (wie er mich berichtet) für eines/ nicht genugsame  
würdigkeit bey sich befunden: Vnd denn auch/ vers ander/  
sich geergert an dem sehr gemeinen Mißbrauch / so er  
manchfaltig gesehen/ da denn jr viel hinzu lieffen/ zu diesem  
heiligen Tische/ vnd hinzu gelassen wurden/ die da ein Getz-  
loses Leben ein mal wie das ander fähreten/ ohne alle Bus-  
se vnd besserung.

Ob es nu wol war/ das wir/ wenn wir bloß vnser ver-  
derbete böse art vnd Natur ansehen/ nicht würdig vnd wert  
sein eines gemeinen bitten Brodtes / ich geschweige denn  
dieses heiligen kostbaren Tisches: Jedoch weil Christus  
vns/ die wir an ihn gleuben/ desselben würdig achtet/ so sol-  
len wir vns nicht selbst seiner Gnaden vnwürdig machen.  
Vnd bedürffen doch auch die gar gesunden vnd starken  
keines Arztes/ sondern die schwachen vnd Krancken.

Vnd ob es auch wol war ist/ das viel Leute des heili-  
gen Abendmals sehr schendlich mißbrauchen/ in dem sie nit  
allein ohne rechten verstandt desselben/ sondern auch ohne  
alle Busse vnd besserung ihres Lebens/ vnd demnach auch  
ohne waren Glauben hinzu lauffen/ vnd meinen/ sie können  
durch das gethane Werck der empfahunge/ das ist/ wenn sie  
es nur empfangen / vergebung der Sünden erlangen:



Was sie darnach sündigen / das gehe auff's newe: Vnd wenn sie bedüncken werde / das sie der Sünden eben viel werden auff's new begangen haben / so wollen sie denn wider komen / vnd aber ein mal abladen / vnd so fortan: Welches denn der gemeine lauff jetzt / aber ein sehr schendlicher Teufflicher Mißbrauch dieses heiligen Tisches ist / vmb des willen eygentlich Gott vns jetzt mit dem Türcken vnd andern Plagen heimsucht / vnd were wol viel tausentmal besser / das solche Leute / die ihr Leben nicht in eine besserung richten wollen / gar dauon blieben: Aber doch sol sich Niemand anderer Leute Mißbrauch vom rechten Christlichen vnd schligen gebrauch desselben abhalten lassen.

Welches auch Herr Friedrich seliger auff meine erinnerung erkandte / vnd bekandte / das man es brauchen solte / vnd musste / vmb Christi befehls willen / Sagte auch zu / da ihm Gott dieses Lagers ( denn in seiner Kranckheit geschah es ) widerumb auffhülffe / so wolte er öffentlich hinzu gehen: Ja auch in seiner wehrender Kranckheit wolte er brauchen / so bald nur etliche vngelagenheiten / so er an sich befand / auffhören würden. Im Fall aber sagte er / es nicht sein köndte / so were doch nichts desto weniger sein Glaube auff den Sohn Gottes Jesum Christum gerichtet / den hielt er vor seinen einigen Mittler / Heyland vnd Schligmacher / vnd tröstete sich seines tewren Verdiensts wider alle seine Sünde / vnd der were sein Labsal vnd erquickung hie vnd dort im ewigen Leben. Darauff wolte er getreft vnd frölich einschlaffen. Auff gleiche meinung / wiewol mit mehr Worten / sol er auch kurz vor seinem Abschiede eine herrliche schöne Bekändnuß mit gutem bedacht gethan haben.

Das



Das Joch des H<sup>o</sup>crucis/das liebe Creuz/hat er mit  
grosser gedult vnd sanfftemut getragen/vnd mehr vmb erlö-  
sung durch den zeitlichen Todt/ denn vmb gesundheit vnd  
lengeres Leben Gott angeruffen. Vnd ohrt gefehr zw  
stunden zuuor/ehe er verschieden/hat er die Fraw vnd das  
Gesinde ermahnen lassen andächtiglich zu beten/ das ihm  
Gott ein friedliches seliges Simeonis stündlein bescheren  
wolte/vnd selbst auch Herzlich darumb geseuffzet vnd ges  
betet/ ihme auch zu trost singen lassen/Witten wir im leben  
sind/mit dem Tode vmbfangen/etc. Item/H<sup>o</sup>crucis Gott  
bein Gewalt gehet vber Jung vnd Alt/dafür las vns nicht  
grawen/etc. Item/Grosse Angst hat vns vmbfangen/  
vnsere Seel thut nach Gott verlangen/etc. Wie er auch  
vormals offte vnd viel solche vnd andere Christliche Gesens  
ge vom sterben ihme singen lassen/vnd selbst mit ges  
sungen.

Vnter dessen hat die schwachheit je mehr vnd mehr  
vberhand genommen/ darumb denn die Vmbstehenden/  
als sie solches vermercket/ ihn des H<sup>o</sup>crucis Jesu Christi  
vnd seines tewren Verdiensts erinnert/vnd auff denselben  
beständiglich mit erwegener zuuersicht seines Herzens zu  
hoffen ermahnet/ darauff er geantwortet: Auff wen son  
sten: Vnd weiter gesagt: Ich glaube festiglich/ daß das  
Blut Jesu Christi des Sohnes Gottes mich gewaschen  
habe von allen meinen Sünden. Vnd nach diesem hat  
er etlich viel mal nach einander mit herzlichem seuffzen den  
Namen Jesu angeruffen/vnd endlich ein mal oder etliches  
die Wort des Sohnes Gottes so Er für seinem tode am  
Creuz gesprochen widerholet/ Es ist volbracht/vnd vber  
diesen Worten ein sanfftes/ stilles vnd gerühiges ende/ als  
wenn er natürlich einschlieffe/ genommen/nach dem er hie  
auff Erden gelebet/ Acht vnd Sechzig Jahr/vnd mit sei  
ner ge



ner geliebten Haußfrauen in der Ehe / darinnen ihnen  
Gott zwey Kinder / einen Sohn / vnd eine Tochter bes  
cheret / die er auch beyde widerumb zu sich abgefordert / ges  
essen bis in das fünff vnd vierzigste Jahr.

Derhalben machen wir vns keinen zweiffel / weil er sich  
müheschlig vnd beladen befunden / erkandt vnd bekandt /  
vnd derowegen zum H. E. aren Christo seine einige zus  
flucht gehabt / es hab jm Christus der freundliche  
H. E. are / vnd Mund vnd grundt der war  
heit / auch seiner Verheischung nach  
die ewige erquickung / ruhe vnd  
seligkeit in der that wis  
derfahren las  
sen.

Derselbe wolle  
auch vns allen zu sei  
ner zeit seliglich  
hernach helf  
fen /

A  
M E N.









Zf 7470 OH

M. C.





X. 2234017








QK. 329. 2



gro  
uefi  
Her  
zu  
des  
vi



UNIVERSITÄT  
HALL  
(SAALE)



B.I.G.

Farbkarte #13

Blue	Cyan	Green	Yellow	Red	Magenta	White	3/Color	Black
Light Blue	Light Cyan	Light Green	Light Yellow	Light Red	Light Magenta	White	Light Gray	Black
Dark Blue	Dark Cyan	Dark Green	Dark Yellow	Dark Red	Dark Magenta	White	Dark Gray	Black

CCA  
NA



Z  
f  
7470